


文帝書鈔

風陵文庫

文庫19

F297

2



文昌化書下

大興朱一銓石君敬校

五臺李永恒壽山重刻

第七十四孝廉化

經術談王辨異同。孝廉特地起遺風。江寧玉璽皆天
 命。日麗重光顯帝功。馬化已知興晉室。蛙尊誰爲
 劉聰。跨驢直入西涼地。遊戲隨機現六通。
 子慕釋氏。韜光禪寂。建興中憫戎狄。窺伺朝綱。非
 命世英雄。弗能反正。會元帝建策南渡。綏撫江左。

F0291-(2)

而白麟玉璽見於江寧臨安。日有重輪。皆中興之象。子改日作儒士。跨一白驢。往河西應孝廉。謁張軌焉。

第七十五感時化

擬陪鄉士獻能書。喜遇姚萇古亦無。欲激頽波專號令。敢據忠節委均輸。不堪狙詐為三俊。笑倚鴻圖應一呼。興盡先期歸蜀地。輶車枉駕訪吾廬。

予建興末作儒士。稱謝艾。跨驢入西涼。張軌以子為主簿。張重華嗣位。時石季龍使將麻。侵寇不

已涼州震動。府司馬張耽言於重華曰。議者舉皆推宿舊。且韓信穰苴。皆非舊將。盡明公之舉。惟材可任。主簿謝艾。兼資文武。委以專征伐之事。庶幾可也。重華召艾問以計策。曰。耿弇不以賊遺君父。黃權願以萬人當寇。乞假臣數千人。為殿下吞之。重華大悅。以步騎三萬人。令艾討之。麻秋率大眾以禦之。艾乘輶車。冠白帟。鳴鼓而行。秋望而怒。曰。艾年少書生。冠服如此。輕我也。命黑稍龍驤三千馳擊。左右大擾。勸艾去。艾不從。下車踞胡牀。指

揮處分賊。以為伏兵發也。懼不敢進。秋軍乃退。艾乘而擊之。俘斬甚多。秋乃匹馬宵遁。季龍聞而歎曰。吾以偏師走九州。今以九州之力。困於重華。真所謂彼有人焉。繼而往關中。與姚萇為友。欲激頽波以正風化。奈何縱暴之君。競起廢弒。然萇雖少而多謀略。又况夙有契好。故作密友。久之。子厭處凡世。思歸蜀峰。約萇曰。苟富貴無相忘。後萇以龍驤將軍使蜀。至鳳山訪子。子禮待之。假以鐵如意。祝之曰。麾之可致兵。萇疑子。子為之一麾。旗幟蔽

天戈矛。戎馬萬餘。列之平坡。今試兵。壘是也。後萇以苻堅死。即帝位。國號秦焉。

第七十六扶神化

清河為晉拯艱難。堪笑苻堅逞厥奸。帝命神孫摧北敵。祖為賢相起東山。潛機勝敗知前定。報捷音書謾往還。試問八公諸草木。史中功烈甚班班。

子父清河府君。念晉氏皆黃帝之裔。其後陵遲。欲降生於世。而匡救之。稟玉音而生於謝氏。於建興中。故府君携子二子。曰淵石。曰樹陽。迺生於諸謝。

子父高臥東山爲蒼生而起。二子乃元石也。苻堅拒權翼等諫。率兵九十七萬。東西萬里。水陸齊進。寇邊。孝武皇帝方將謀帥。子父曰。惟元之子元可當此任。卽遣元石及子琰等。都督水軍七萬。拒堅於壽春。堅登城而望。晉軍部陣甚嚴。望八公山上。草木皆類人形。顧謂苻融曰。此亦勦敵也。後淝水却陣大破之。北軍皆懼。桓冲在荊州遣援。子父怡然不變。止冲之師。冲笑料其必敗。及元破賊書還。無喜色。人服其度量。而勝負之數。已素定於胸中。

嘻哉。予之家世顯忠勤。誠無愧於信史焉。

第七十七 誅暴化

禍福之機本在人。只因現報與前因。貪污賄利欺君命。刻剝脂膏虐下民。權音覺貨王仔生犢尾。刷錢馬謬化猪身。從茲警悟堪爲戒。一念纔虧卽有神。子仕晉之後。兼治幽明。時蜀之導江王仔者。永和。中任帥幕吏。被檄督權課鹽於潼川。而王躬詣井。所召民強與約。率令倍差認課。當取五千斤者。輒取萬斤。又約來年所輸不滿額者。籍其家。王心知

其不能如約。窺欲沒入之。使官自煎。既復命。帥以鹽數倍增。喜之。子聞其苦民。故陰治之。是夕。帥馮遷夢。王仔來謁。而公裳下有牛尾。方驚悟。有婢亦魘及甦。言適王仔者來。公裳下有一牛尾出。再四言其權利貪污之故。今生蜀之屬邑。田遷家。翼曰。遣人訪之。果如所夢。又益昌馬諤者。同為帥屬。每出部邑督錢。惟以多為貴。不問額重輕。虛實盈縮。必得為期。且以此自負。蜀人苦其虐。號曰馬刷。或以王君牛尾警之者。馬曰。正使見世尾生。亦何必。

問。予聞其暴虐如此。聞之上帝。繼而病卒。七日之中。其家作薦福。聞棺中有聲。意其再生。亟開棺視之。則已變為一猪矣。急掩而葬之。時天氣晴爽。喪車纔起。天雨如注。送者皆不可行。及墓次。水已溢矣。此可為污吏之戒。

第七十八明經化

銅川著筮久潛心。道學儒宗已陸沉。天假仲淹重振鐸。文追孔氏復鏗金。儒風欲繫唐虞化。大雅全排鄭衛音。董氏庶幾顏氏子。升堂窺見室之深。

予久處穹昊。帝以中國道衰。欲王化之復行。故命予生銅川家。知隋運將終。吾道未濟。退居河汾間。修先王之業。制禮以節情。作樂以和俗。恢刑政以防其非。崇祭祀以介其福。祖述周孔。取則軻雄。九年而成經也。其餘五常之教。於小子何述焉。復以禮樂之學。付之董常。惜其不一用於太宗之朝。悲夫。

第七十九護聖化

漁陽鼙鼓扣長安。此日明皇幸劍關。若聽九齡摠諫

論。豈勞七曲重躋攀。不因儒士為親謁。安得鑿與復遠。還萬里橋邊迎禁蹕。誰知虛位紫霄間。

予自汾陽傳道。厭於死生。再奉帝命。輔唐室。故命長子淵石。生於清河氏之家。卽九齡也。明皇時。李林甫之譖。毀肅宗而帝賴之以不易。至於議論風生。首登七寶山。坐有文場戰帥之雄。應制走丸之辯。後漁陽之亂。明皇幸蜀。登劍嶺而觀中原。歎曰。吾聽九齡之言。不至於此也。予因至萬里橋。以儒生謁帝。帝曰。卿非北郭張生乎。予曰。然。臣聞元載

文帝書錄
孔昇天。虛位久之。以待陛下也。帝默然。後肅宗收復京都。韋見素迎帝歸闕。封子爲左丞相。而子密衛鑾與至咸陽。帝移大內安頤。遂辟穀。張皇后進櫻桃蔗漿等。悉不食。常玩一紫玉笛。自吹數聲。有雙鶴下。徘徊於庭。帝謂宮妾曰。吾奉上帝命。居元載。孔昇天也。令具湯沐。復就寢而升化矣。

第八十明威化

影響昭昭。理可尋。性天豈與物交侵。眼根所著無非色。身業居多莫匪淫。四舉不沾天子祿。一生虛負狀

元李登狂妄終除籍。果報徒嗟罪障深。

唐李登者年十八。爲鄉貢首。自後凡十年一薦。名愈下。年幾五十。不第一日。齋沐詣葉靜法師。具告曰。登自十八歲。叨冒鄉薦。凡經四舉。不登一第。何罪至此。幸法師入冥。爲登勘當此生如何。法師諾之曰。蜀之梓潼有神。曰北郭生。掌文昌職。貢舉司祿之官。必能知之。吾當爲汝扣之一日。上章道過治所。謁予法師曰。士人李登者。某年某月某日某時生。凡四舉不登。此人果何如。予命一吏示籍對

曰李登初生時賜玉印十八歲魁鄉薦十九作狀元三十三位至右相緣得舉後窺鄰女張燕娘事雖未諧而係其父張澄於獄以此罪展十年降第二甲二十八歲得舉後侵兄李豐屋基而奪之至形於訟以此又展十年降三甲三十八歲得舉後長安郎中淫一良人婦鄭氏而成其夫白元之罪又展十年降第四甲四十八歲得舉後盜鄰居王驥家室女慶娘為惡不悛已削去籍矣終身不第法師辭退以是語登登無以對一女愧憾而死

後之士夫可不戒哉

第八十一濟順化

綿綿唐祚欲傾摧。叛逆陵遲陷北臺。逼脅乘輿臨草莽。爭驅甲冑走塵埃。天恩昭顯精神會。帝室重興雨露來。枯柏津前新應詔。虬鏘誰信作良媒。

唐乾符中歲荒河南為盜者甚眾尚君長伏誅尙讓等推黃巢為主反長驅江陵渡江為患入淮北攻河南數十郡次陷洛陽破潼關僖宗播遷入蜀巢犯闕遣朱温等攻鳳翔至潼關追僖宗乘輿衣

遁出鳳翔。予以儒服見帝。帝夜行馬駭。予以所乘騎奉帝。帝乘之。予捧足擁馬。密布彩雲。衛帝騰空。彌明露雲微開。令帝下視。見鳳翔軍與巢軍戰於龍虎阪。若蟻陣也。帝曰：此何所也？予曰：此乃空際。帝驚歎曰：卿非北郭生張孝友乎？我非卿，豈料此生耶？予奉帝至劍南複道。帝疲甚，欲少憩。命予股以枕之。熟眠。林葉風聲。帝忽躍起曰：巢兵至矣。聲鉦近也。予曰：非也。乃林葉風聲。久之，從駕宿衛。始及訶帝行之速也。帝至枯柏津。約曰：我有一女，乃興唐公主。最神慧，奉卿箕箒可乎？予曰：臣幽也，何敢奉承。帝曰：勿固辭也。遂封吾為濟順王。親至廟奠獻，解劍為賜。仗子勦賊。後宋文通等斬巢首送成都。帝還闕，則興唐公主從而殂矣。予命陰兵迎公主歸七曲焉。

第八十二濟迷化

救世垂訛物理衰。神人淆混化塵微。庸愚指我為妖妄。蒙昧嗟予擬是非。匝地亂雲多雨潦。亘天烈焰示光輝。孫樵始信英靈著。從此寰中顯福威。

五季中進士孫樵者。性尚剛介。不與羣居。詆斥佛老。著無鬼論。自隴之蜀。過祠下。侮辱無禮而去。抵於山陰。天忽昏晦。風雨如撒。行者不可進。欲投邸而不可得。遂呼曰。此乃北郭生張君。如果有靈。則指涯涘如何。予命佐神舉火。一二示之。樵尚笑曰。廟奴護我。再呼曰。神既在。何不為我止風雨。使我能抵於平陸。如何。予笑曰。子所過神廟。必狎侮。指以為妖。笑以為誣。今悔之何及也。予示之以炬火。數百。山川明朗。可容行李。須臾風雨頓止。翼日。雷

記於廟焉

第八十三證果化

色空歸境湛然。明樂道全真顯妙。因拯溺大施康濟。力活人廣布惠慈。仁三千果證如來。號八百功成大士。真不動戲遊三昧地。坤維重顯福生民。子從釋地。頓超不二法門。居清涼寶山。仍司民疾。苦時蜀人苦於湍流。自遂城至涪江。水溢抵於城。隍人多漂蕩。又苦疫癘痼瘵癰疽之疾。子化里神。為作篙師。拯合溺者凡數千人。又化太醫生。親為

診候全活者衆。會鷲峰古佛。紀功錄行。爲子授記。作是言。汝於當世作師。號安樂不動地。遊戲三昧。定慧王菩薩。釋迦梵鎮。如來今證斯果焉。

第八十四明良化

藝祖開基。妙若神義。欽遜德不勞兵。終南翊聖會全。壁汾晉西祠。已結纓十策。條陳禪獻納。兩朝燮理。致昇平。明良慶會。應非偶。炳炳丹青。顯令名。子方居不動地。精修妙行。而八紘雲擾。世變輪迴。適奉玉音。五星聚奎。有興宋之語。徧勅諸靈。出以

應運。故翊聖降於終南。張守真之廬。及晉祠有崇德之聘。予遣長子疑當作次子曰楸陽。生於清河。曰齊賢。布衣十策。歷相兩朝。佐神獨孤。生於寇氏。曰平仲。力輔章聖。策功澶洲。基二百載。太平之治焉。事載國史。所驗不誣。

第八十五顯忠化

明明天子出乘乾。孽黨何能撼蜀權。均倡悖徒凌郡縣。順連叛寇汙山川。不煩兵刀交鋒戰。立見王師奏凱旋。知道劍關神有力。徽章溢美備人天。

予方以海宇清寧爲喜。而淳化年間。均順僭叛。王師討之。主帥王繼恩。雷有終。祝吾丐靈。子命崔瑄。李懋。以陰兵助雷。有終擒賊。至利州。賊固壘不下。一卒於軍中呼曰。梓潼帝君。遣二將助陰兵百千。今奉天勅。勦汝可速降。而賊以勁弩一箭中呼者腹。其卒去箭無恙。又厲聲自若。豫言賊陷之期。及叛平。有恩榮。以英顯之號。上帝嘉子弭變。能免殺戮。俾專輪迴救苦之司。開便宜都督之府。總三界六天之陰兵。

第八十六聖治化

太平風化樂唐虞。致治馨香等太初。率服四夷明德教。奠安百姓法規模。挈裘頰領知賢相。錯節盤根見大儒。一舍輔成元祐政。著書誰用鑑寰區。

皇朝一祖四宗。垂拱太平。子奉玉音。以次子然。明生於司馬氏家。名光盡誠於館。著古今歷代史。以鑑於世。輔宣仁聖烈皇后。擁少主。不出簾帷。而天下治。當時庶政聿修。咸謂德合天地。道通神明。而積仁累德。凜凜乎庶幾周召之烈焉。

第八十七武烈化

獠猾交馳寇隴西。秦梁幾陷孰排擠。高宗側席方求策。諸子宣靈已挽輓。木馬汗流知助順。朱幡火烈示端倪。兩兼吳蜀回天統。皇壽重延日月齊。

子以朝廷承光大之休命。尊峻極之崇階。地廣三代。威鎮八紘。忽女真有燕山之圍。方賊起江湖之變。三辰錯亂。師旅並興。女真無厭。竊我神器。二聖北狩。百姓流離。於是相聚。萑蒲。蝟毛而起。攻城剽地。流血成川。炊者不及析骸。食者不遑易子。億兆

空懷主之念。九牧大勤王之師。獠猾狼貪未已。再興西北之師。逼於秦梁。幾陷王師。乞靈於祠。然子已應化。清河氏之家久矣。子之五子。長曰淵石。卽竟也。次曰林陽。卽贊也。三曰寶。曰貫。曰質。統佐神。崔瑄李懋等。奉上帝命。憫其一方。勅令助國。卽以神兵現滿山川。金賊驚駭而遁。木馬有汗流之珠。隴西獲晏安之福。以迄於今焉。

第八十八興國化

朝廷中否甚傷情。事業班班可訪尋。政在平江扶大

寶兵。虜陝右。本天心。便宜坐使。兩蜀靜。陞陟恩流。三
峽深。要識此回神。異處。柩中全體。士無侵。

予以仙釋。交修。不欲出生死地。而靖康有陽九之
厄。帝有恩言。命子靖難。乃於紹聖丁丑。託化張浚。
立一世之英表。平江復辟。聖天子垂統四十餘載。
至富平之敗。非浚之失。乃天也。隆興甲申。浚死。葬
於衡陽。其子杓。欲更葬於蜀。既啓棺。視之。威容儼
然如存。合郡士夫。觀者如堵。以手加額者衆。隨而
掩之。倘非子神化。安有此也。子生領天子之權於

蜀兼掌文昌之命於天。其功績不亦矣。

第八十九止足化

玉冊褒稱。賜寵光尊。隆師傅總元綱。積功惟喜。修天
爵。被命寧辭。抗帝章。泣事惟勤。居太極。貢賢是任。主
文昌。錫民五福。期康乂。非特區區一兩暘。
予隆慶之歲。奉玉音。加秩若曰。文昌者。教化之本。
原實。傳列聖之業。儒士者。道德之淵藪。宜推一德
之忠。播告諸天。亶孚有衆。惟文昌司祿主者。職貢
舉直君。衛民少傅。靈應帝君。張某。德被萬物。威形

四方粵自有生。顯從浩劫。順考古道。鑒觀人文。照臨並日月之明。發生贊乾坤之化。是以教耕稼而民人育。每裁制而自優。脩禮樂而政事康。果猷爲之不謬。干戈載戢。陰陽常和。水土旣平。休祥時格。託之庶務。試之諸艱。皆濟濟以可觀。每多多而益辦。昔自水漕。今涖台衡。尚持拔苦之心。誓拯倒懸之念。厥有成績。巍乎難名。察乎九十餘化之行藏。命編諸冊。著以萬二千端之行節。豈曰空文。顛則持而危。則扶惡以懲。而善以勸。下民允賴。惟乃之

休。况復恢龍漢之圖書。闡鸞臺之典則。欲分身而顯化。率諸聖以混融。萬利開張。三界均利。宜加位。俯叶輿情。名躋南極之尊。禮絕星聯之上。於戲躋三階而下。太乙允彰。應物之符。欽五福而錫庶民。式賴師言之佐。誰其能者。汝往欽哉。可特加金闕。昊天太師。糾察三界禍福事。予辭表略曰。滿盈之懼。上瀆瑩聰。温厚之辭。時紆訓誥。意敢懷於不敏。欲猶冀於必從。中謝伏念。臣德薄位尊。言輕行寡。徒以效誠之決。未懷引退之私。茲遇盛時。重叨

異數。豈不侈高上之賜。其亦畏至窮之災。恭惟天尊上帝道善貸以直成。明容光而必照。護以小疵之失。察其由中之言。方將曲致於施仁。夫亦何嫌於遷令。子再三辭遜而受之。兼司四方禍福。所以分身應化焉。

第九十真元化

物有潛通信可知。幾回利濟惹閒非。觀風隴蜀存真寂。掌籍南昌應事機。金闕錦囊宏帝道。紫陽玉篆霄暉更生為顯昌黎事。別有精言示聖威。

予自興國之後。遊神附鸞。宏顯錄法。幸遇聖朝。仁化神真降靈。故三神所授大洞經籙法三宗。後傳於世。昔賀達授姚偉而仕至大夫。朱道元授朱渙而官至清近。劉若拙授周良輔而高中甲科。黃若水授蘇軾而為兩制文臣。劉浩然授虞允文而為中興宰相。是皆範文儒。昌道命可不侈其傳乎。乃演是錄於寶屏之鸞。而降清河內傳。併委劉安勝。與其子當。程允洽。及其兄兼善。計府何敦信。衛四李茂等。設壇於誠應樓。發揚七十三化之本始。以

待智者。而涪之樂温。龍門韓中之者。乃宿契也。其孫坤臣病篤。叩子甚方。卽授以符藥。復遣治病功。曹應感更生。仍昇法錄。今涪夔之間。靈應昭昭。真元驗焉。

第九十一誅逆化

密承帝旨。下蒼旻。昭示塵寰禍福。因爇理璣衡。明察訪。幹旋綱紀。妙經綸。王生易木雷誅魄。徐子貪金命殞身。羅鞏未還先告卒。只因不早葬雙親。子被命遷師相之職。專生殺之柄。司禍福之事。採

訪善惡。乾道中。蜀之中江王千者。其父母白買香木棺。以備身後。千易以杉木。已而貨之。再易以株板。及母亡。則雷株板自用。但市松棺斂葬。子察知之。將王千以雷擊死。倒植其屍。其子哭而扶屍。仆地。曰。正中雷震。擊其子於五里外。洎後回。見父屍依前倒植。凡兩瘞皆然。遂於棺上斲一竅。以竹標之。方免震出。同時新都丞徐謙者。被檄充勘官。宿犍音堅爲境上徐氏家。主人前一夕夢神人謂曰。明日有徐侍郎宿汝家。宜善待之。神人乃吾所遣佐。

神也。至晚果有徐從政踵門。遂具盛禮。及回復夢。曰。徐子此回受五百金。枉七十八命。天曹已減三十年壽。官止此矣。徐氏乃不禮之。丞訝問其故。語以夢中所報。丞愧形於色。回任改秩。未及拜命。卒於邸中。年三十四。聞者莫不惜之。又梓潼縣羅鞏者。入上庠。過祠下。默禱於子。子夢告之曰。子已獲罪天曹。宜亟還鄉。前程事無復問也。鞏懇曰。平生操履俱無過失。願問罪由。子曰。子無他。惟父母久不葬爾。鞏曰。家有兄弟。何獨歸罪於鞏乎。子曰。以子習禮義為儒者。故任其咎。其餘碌碌不足責也。鞏既寤。悔恨。治裝還鄉。同舍驚問。鞏以夢告。未及家而卒焉。

第九十二 拔苦化

漠漠幽都未有涯。今來古往幾遺骸。皇穹有命司藏瘞。神化無方廣葬埋。玉歷紀功頒玉冊。瑤華錫命步瑤階。道遙金闕宏慈憫。一視同人無等差。古史曰。枯骨不知年數。尚感文王之葬。童子結伍以衛魯國。猶存孔子之謨。今天下多遺骸。暴露甚

至有父母而不知葬。略無惻隱之心。況於他人乎。予遊神察訪。深爲惕然。適奉玉勅。俛司焉。予力爲開誘。凡暴露而得理葬者甚衆。功聞於上。時上天開化十九年。下世大宋中元甲子。紹熙六年正月。初一日。三清至尊。在玉清聖境。九霄梵炁之上。大會九天十極。考校功過。無上至尊。金闕昊天玉皇上帝。總領三界群真。諸天列曜。地水衆聖。上朝三清。爾時元始天尊。登命金闕侍中。九天司馬。儲福定命真君。開碧玉寶笈。流霞丹匣。出萬天素威功。

過玉歷。考校諸天諸地水界陽曹昇真得道以來。功過大小。以予自龍漢初劫。化九光之始。育元黃之秀。神一挺生。已三千餘化。迄於周武王之乙巳歲。乃符火德。降生於清河氏。九十餘世之盡孝盡忠。百千萬化之積功累行。當次天帝之位。於是諸天行舉。三界推尊。頒降玉歷。下示金闕。乃命玉宸左侍。瑤華內院翰林瓊章學士。諸天真君。撰製玉冊。以是月十五日。進封帝號曰。無上大羅天。開化十九年。正月十五日。金闕玉宸瑤華內院。三天門。

下都省一炁分形。化生四靈。元元天道。無形無名。始青肇判。挺生聖真。乾坤並德。日月並明。天上天下。莫不孝欽。唯昊天金闕太師。糾察三界三教禍福事。九天都督大使。判桂祿嗣籍上仙。元皇真人張某。元黃孕質。炳靈張翼之精。梵炁通靈。妙證虛皇之果。植立古今之名教。彌綸天地之璇綱。全十華十德之太元。朗八景八真之妙善。分身應化。不外乎忠孝之兩端。救劫度人。必本乎慈仁之一念。九十生之功。成行滿三千劫之道。備德高。坤維宏。

福惠之思。乾造賴贊襄之力。善盈玉歷。名喚瑤穹。當位帝真。式隆龍號。謹遣金闕侍中。玉宸左侍。清元學士。無上上德真君。甯洪齋捧金書玉冊。特上尊號。進拜南極長生真王。九天定元保生扶教開化。主宰波羅尼密。不驕樂育天帝。救劫大慈悲。更生永命天尊。上極先天地道。蘊元黃生一炁。以化三才。混合空洞。證十通而成萬行。離相消塵。扶教定元。下制延康之浩劫。保生行化。俛超暉景之太霞。位峻九天。職隆三界。丕闡慈悲之行。大恢生成。

之願。持檀熾音。領蒼胡寶。功高莫議。德盛難踰。合
示嘉尊。幸毋謙遜。仍冀同符大道。劫劫長存。普福
生民。巍巍其大。龍章昭錫。永秘元都。謹言。於是子
以是日。授徽號於玉宸金闕七寶瓊臺之上。昊天
至尊。御殿典儀。賜羽葆霓旌。九龍玉輦。九鳳壇輿。
冠通天十二旒之冠。服元袞日月山龍華蟲之服。
元圭朱履。所居之宮。一曰紫微垣。文昌宮在赤明
和陽虛明堂。曜天之間。一曰玉霄絳宮。在波羅密
不驕樂育天之上。宮闕巍葦。皆大暉華烈。明陽龍

光赤城丹臺。金墉玉樹。靈風自鳴。紫雲常覆。子欽
奉冊命。峻遷天真。愈懷恐懼。乃作慈潤而自誓曰。
下土衆生。不知因果。不識罪福。多迷正道。多入邪
宗。展轉沉淪。無由出離。又值延康末劫。魔鬼流行。
人民受禍。剝爛生根。誠可哀念。乃以孔孟伊周之
學。道德仁義之教。綜以仙釋之靈通。顯以桂籍之
功用。設爲四科。立爲九等。表吉凶悔吝之機。彰善
惡禍福之報。或兆於夢。或著於籤。分身應化。救劫
保生。嗣是之後。文武醫卜士農工賈。凡一民一物。

之枯榮貴賤。皆隸子之造化焉。

第九十三福瀘化

煙橫瀘水碧。漣漪殺業誰知會。遇時山寺削身徒。憤憤。岳靈未報且遲遲。儻存忠厚佛三昧。不致仇連李萬兒。張信復歸玉吉手。彼冤此報罔踰期。

紹熙中。瀘帥張孝芳者。為率伍張信等所謀而致叛。信為同伍張昌殺之。瀘遂平定。此乃紹聖中。秘歸一僧。俗姓廖。名慧覺。居山院。蓄資甚厚。贖錢作斷瘟水陸。繼而草寇李萬兒者。率眾欲劫之初。不知其僧設葬於四垣。遂盡陷之。惟李萬兒數人。僧與其徒。創而食之。後李萬兒等圖報其冤。岳靈曰。汝報之未可。此人為衆作福之緣未艾。更一生可也。惟汝尚有所殺王吉。必報汝也。自是僧慧覺生清河家。即芳也。萬兒即張信也。吉即張昌也。其報昭然。予遂與英烈統理神衛瀘而平焉。

第九十四昭明化

昔從太極肇羲皇。神性隨機雲水鄉。九十四回彰變化。三千餘行露微芒。雙峰為建元初宅。七曲周遊參

宿方。聊附飛鸞明此意。出書重訓藉揄揚。

予以天命薦隆。位登金闕。逍遙紫虛。遊神察訪。而世變愈降。偷薄鄙詐之風。在在皆然。况劫難將興。未易消弭。乃寓鸞顯化。少變汙風。小回大劫。如昌之龍。因普之萬松。雅之百丈。遂寧之蓬谿。勅皆予分遣。仙曹爲應化之壇。故在蓬谿。則解序玉經。在萬松。則書降龍號。又巴陵運騰。單人楊思。作文昌星席。以朱章感諸真。具集于拉崇。應遊神降福。因覽雙峯。真神仙窟宅。遂請於帝。立昭明應化鸞臺。以示四民休徵。仍爲予父元初大帝化。建寓室而韓震巽。亦樂施田。焉飛鸞開化於斯。爲盛。凡有聞有見者。莫不知也。

第九十五亨屯化

丑劫將終。三卯興。妖氛只恁慘參辰。開禧方弭。包羞否。紹定重基。構難屯。謾向吳山尋活計。不堪錦水已揚塵。天顏未允。寬分奏。此際應知有大鈞。延康未劫。蜀有三卯之屯。開禧丁卯。逆曦僭。婁子不忍生靈荼毒。預稟天勅。遣崑崙然山神降生。爲

安丙同崇應帝。削平此亂。故予垂鸞。示以安丙二字。是以楊李諸人。得以成事。而禍不及民。紹定辛卯。蜀變甚慘。皆人心不古。有以召之。予屢請玉陛。天怒震動。不允奏聞。乃遣鳳凰土地。生於余氏曰玠。尹正西陲。以甦蜀困。時號小康。皆予救劫之功。迨至乙卯。世事日非。奈數不可挽。主宰無功。雷杼不可以復居矣。遂有三潮之命。悲夫。

第九十六安南化

六丁五未數相仍。井絡參墟總弗庭。雷杼不靈踰一

紀。鰲山分化恰周星。瀘川復正車書舊。巴峽重羞黍稷馨。天道惡盈應未泰。江南生聚苟安寧。

子由周迄今。炳靈劍嶺。邇自三卯雷杼不靈。星周一紀。月寓干江。雖無地可居。幸有天可依。親奉玉旨。暫宅鰲山。而六丁五未之數難追。蜀之諸郡俱有變遷。是以巴蓬利閭。莫不比首。予與崇應昭惠。奏移整於瀘。以全蜀本。渝嘉以下。苟活生根。皆予三神之力也。

第九十七復古化

摩圍勝地聳金蓮真宅。寧親顯後天。駒結水規。恢修禮典。鶯灘助順。洗腥羶。大開復古康民化。誓作分身救劫仙。一十七書堪範世。飛鸞演化示真詮。

予三潮宅真之地。數罹劫變。再奉天勅。移鸞於黔。遂以雲龍山摩圍之後洞。為寧親之宅。以駐神輝。分遣仙官。隨地燭靈。為國宣勞。不一而足。趙定應以功業著。夏貴以如意顯。如開州之復。鶯灘之捷。皆予陰相也。又命曹光顏。奕李白。蘇軾。黃庭堅。諸仙假金蓮石葛。傍巖鑿火。鎔雪烹茶。著經述儀。開復古大化。出一十七書。以壽衣冠之服。以植綱常之教。以昌文儒之命。以衍上帝一十七光之休。而永億萬世之真傳焉。

天洞經原序

大凡事之有其究竟者。必有其原來。如洞經一書。人
 但知為吾學道之書。而不知乃吾敘述之書也。人但
 知三十六章之是守。而不知三十六章之訛復也。吾
 久欲定正。惜未得人。即有其人。始似勤恆。繼謂虛渺。
 或半途而廢者有之。或已成而疑訾者有之。嗚呼。人
 多若此。吾何望焉。是以急欲定正。而終無由矣。即如
 本朝大吾道之化者。賴彭氏弟兄。即彭太史發其源。
 其始之勤勤弗懈。亦不可不謂為誠篤者也。繼則矜

哥自滿以貴怠功。始終不無二致。則亦奚足尙哉。下此則淺嘗者愈衆。寧堪問耶。雍正五年冬。有符圖司敬金本存。疏呈洞經原由。乃稱久欲欽依元範。刻志終持。深苦傳本互異。實難遵守。懇恩勅仙定正詳註。以便刊傳。以廣大化閱之適契吾心。且喜本存之勤。因勅某仙與某人爲師。令其註明傳世。不期某生亦復怠慢。視爲可有可無。經年於茲。功無十一。其言雖有頗可取之人。請師解註。而諸仙亦只依諸傳。本存之訓。凡章句之訛。復與夫洞經之原來究竟。卒未之言也。吾苟不親爲詳本末。定章次。正字句。則本存之摭誦。刊刻不惟徒費心力。而且以訛傳訛。貽誤來茲。將莫知其底止矣。然吾欲親正。究難得人。幸天道不終剝。剝極而復。人心無悉困。困中有亨。本存而外。復有華如琪其人者。矢志投誠。皈依吾化。吾見其年雖少。其信頗專。爰命代吾傳筆。定正字句之重。誤。序解章目之始末。自序經以至結經。共二十四章。皆述吾成已之始。成物之終者。今一一爲之揭示。如每章皆有元始天王日之句。以人看之。似卽吾師所

授之玉經。而不知乃吾得道之後。復蒙吾師授以蒼
胡頡寶珠。其珠光煥爲彩雲。結成此經。皆序吾入門
求道保元。以至成道度厄化幽。悉由吾師授以玉經。
而得以造夫太元也。其必冠以此五字者。又吾於珠
光所結經文之上。加以誌不忘本之意。至吾師所
授之玉經。自吾得道後。吾師復秘於大洞矣。其傳世
者。卽此經也。夫此經自太元受後。歷虞夏商周暨漢
唐宋。而迄於今。屢經興廢。其得不迹熄而存者。諒多
記傳鈔授。故錯訛互異。以至於斯。吾今者因本存之。
誠懇華生之信篤。故不厭煩囂。親降校正。俾本存奉
此刊傳。以爲定本。庶後之修習者。得其源矣。時雍正
六年戊申五日文昌帝君序於蜀渝永濟壇。

大洞經示讀序

文昌帝君蒙元始天王授以大洞玉經。潛心竭力。修持於大洞之中。久而不懈。以至成真證道。其功德皆由於是經也。爾金本存志切。修持心矢誠篤。故感帝君親降。爲之校正定本。爾亦能遵守刊佈。力事誦持。十餘年來。功未少怠。實屬可嘉。昨又疏以元理幽深。無門可入。哀求詮註。時吾承值帝傍。乃蒙勅令爲之指點。聞命之下。殊深惶慄。蓋大洞仙經。其間文義幽深。詞理元密。卽上位仙真。亦難窺其妙蘊。况吾輩乎。

今既奉命。敢復何辭。但就吾素隨帝君。以侍元始。天
王之側。竊有聞其萬一之說。謹述之以告。用為讀之
之方可也。若曰詮註。則吾豈敢。但願後之學者。就吾
之指示。深思研會。涵泳貫通。久漸自徹其微。以悟夫
無極之真矣。是集鈔成。當名洞經示讀云爾。時乾隆
丙辰長至日。斗口魁神馬天君序於黔之大定鱸壇。

大洞經

大興朱珪石君敬校

五臺李永恒壽山重刻

大洞經示讀上

序經章第一

示讀曰。各章章旨。已蒙帝君降正示明。惟信
受奉持可也。至序經三章。不過述帝君受元
始。天王傳授洞經之由。及修持之功。用示來
茲耳。結經一章。乃言洞經之效。文理明晰。可

毋庸註。元契諸章。一如毛詩小柄。以紀帝君
修持功驗。以明本章之義。俾崇修者知所從
入也。但須篤志勤恆。潛心默悟。自得其意矣。
茲亦不必多贅。

道言。昔在龍漢劫初。元始天王出大洞玉經於高上
玉清宮。命吾演太元次元之道。吾自是勤誦不輟。元
始天王見吾求道心誠。遂以太元之音。流響玉清。宏
大帝德合一之道。示九統之法。傳九光之符。吾不敢
自私。因公之世。人能誦之。登齋修行。自然萬神歡慶。

萬靈護持。萬神威格。萬仙翕臨。可以飛渡。三災四煞。
五鬼六害。七傷八難。九厄十惡。立望登仙入聖。不待
有所作為。而自無不為也。苟不誦之。由是善念泯滅。
惡念日增。何以登仙入聖乎。有能宏施無窮功德。廣
刻大洞經文。普施天下。觀望以為典型。則玉帝降鑒。
而飛天親迎矣。然不獨可以榮本身。且並將歷代遠
祖。歷劫種親。俱可以超昇而更生矣。世胄接仙。長為
貴人。功滿道備。骨肉同昇。乘龍駕雲。上朝玉清。

序事章第二

帝君曰。此章名序事。蓋序吾學道之時。惟誠心不二。直至七炁覺悟。同歸一元。而與吾師元始天王共飛昇於九天也。

元始天王曰。真陽帝賓老。

真陽。乃生物祖炁。天地未判之先。一點靈光。無極之真也。主宰之謂帝。賓敬之意。老尊之意。

受事會玉皇。

受事。受之以事。即常應也。玉貴之之意。皇大也。玉皇上帝。即吾心之主宰。本然之理是也。會之者。凡

事運用於一心。而無不得其主宰之謂。即常靜也。

滅魔除穢尸。

魔。情識之魔。滅之。則無意念之雜。穢尸。臭穢之尸。除之。則無形骸之役。

百司詣絳宮。

百司。百體各有所司。如耳司聽。目司視。類詣至也。絳。紫紅色。絳宮。心宮也。心本赤。故曰絳。

逸宅丹元內。

逸。安宅居也。丹。紅色。陽也。元。黑色。陰也。蓋先天陰

孕乎陽。而陽舍於陰中。故見其丹元之色。

五炁結十方。

五炁。金木水火土之精炁也。結聚也。四正四隅。上下謂之十方。即天地之中也。

七轉司命至。

七。少陽之數。轉復也。七日來復。陰盡陽生之候。司命至。則天命之理得。

三回召仙公。

三。純陽之象。回還也。龍降虎伏。金來歸性之時。召。

呼也。召仙公。則長生之道備。

泰山至鬼者。

泰山。東嶽。主宰也。鬼者。陰之靈。泰山居於東方。乃陽氣發生之地。而陽統乎陰。故主鬼也。

急校三官中。

校。勘也。三官。天地水官也。即人身之三元。

十德初成基。

十。數之終。成也。德。即天命之理。得之於我者。至此。則成德有其基矣。

同飛七覺元。

同飛如鳥之飛七。耳目口鼻舌身意也。覺悟元本也。七竅皆悟其本來而不同於冥頑之軀。即所謂七竅相通竅竅光明是也。

此章言真陽之炁乃生化之宰。至貴至尊。人能全之。則萬理皆備。時而受之以事。以一貫萬。左右逢原。內無情識之擾。外無形骸之役。百體從令於心。心有主。則所得益固。意大定。而五行自全。靜極見天地之心。命由我立。功純且長。生之道。仙可立致。

養成純陽之體。不墮陰邪。而三元為之混合。其德之成。不有基乎。至此則踐形盡性。觸處天機。七竅光明。而有以還其本來之面目矣。

頌曰。真陽孕育自丹元。五炁融和大道全。到得百司惟我命。同歸七覺入天仙。

元契薛音曰。誦之七遍。七元斗神。皇妃下降。移住南宮。萬炁齊起。得飛仙門。

序理章第三

帝君曰。此章言學道之理。

元始天王曰清靈扇八極。

清靈。即道也。道一而神。冲虛至妙。故清靈也。扇。吹揚也。四方之外有八極。此言道之在天地者。充塞而無間也。

鼓輪三華城。

鼓。動輪轉也。三華。精炁神。精藏下宮。炁藏中宮。神藏上宮。各有界限如城也。此言之之在人身者。周流而不息也。

披此胞胎結。

披。開明也。此指清靈而言。胞胎。炁之蘊育而成者。即乾坤交媾罷。一點落黃庭是也。

六祖受福生。

六祖。六根所由生者。意識也。先淨意識。則諸識不生。具有超脫之象。即文殊云。一根既返元。六根咸解脫。

辰宿皆衛道。

辰。早宿暮也。衛護也。道。即胞胎所結者。二六時中。勤勤保護。一如眾星之拱北辰也。

常守帝一營。

常守綿綿不絕。意帝一。此心主宰惟一而不紛雜之謂營中也。守中抱一而不離也。

公子執五符。

公無私子子炁執守也。五心肝脾肺腎也。以母炁伏子炁子母相守而和合也。

天一居紫房。

夫乙即先天未始之始也。居藏也。紫房元神所居。幽密如房即安神祖竅。翁聚先天是也。

三合永不紊。

三合精炁神三者合而為一。永長紊亂也。拔昇玉帝宮。

拔昇自下而上也。玉帝宮上帝所居。即道也。言與道為一也。

少女郁墨子。

此下原其始初用功而言。後復推之以至其極。少女即姤女。郁美盛貌。墨黑也。墨子即嬰兒。預兆一炁中。

預先兆基也。嬰兒姪女。交結而成夫妻。合爲一炁。修煉之始也。

拘制精血液。

拘束制限也。精血液。人之所賴以生者。拘制之。使

不。泄。漏。也。

盈滿五臟充。

五臟。心。肝。脾。肺。腎也。充足也。精血液三者。盈滿而

充足也。

十真登紫房。

十全。真。本。來。登。昇。也。登。紫。房。則。煉。炁。歸。神。矣。

帝子化金仙。

帝子。卽。元。神。化。變。也。長。生。不。壞。謂。之。金。仙。

白玉飛符召。

白。玉。言。其。貴。飛。速。也。符。以。玉。爲。之。中。分。之。彼。此。各

藏。其。半。有。故。則。執。之。相。合。以。爲。信。也。

引昇龍臺天。

形。神。俱。妙。超。凡。入。聖。

此章言清靈之炁。放之則彌六合。斂之則在一身。

原本周流不息。初無間斷。特人自昧之耳。若能知之。採取烹煉。則珠落黃庭。而結胞胎。六根清淨。自然解脫。又於子午時中。勤加保護。守中抱一。綿綿不絕。私無所容。則以母炁伏子炁。子母相戀。融合無間。以此先天真種。蟄藏炁穴。住息溫養。三元混一。永不紊亂。與道爲體矣。然其功必有所由始。故學道者。惟先將嬰兒姤女交合一炁。立爲根基。情欲不干。精液滿盈。然後煉精歸炁。煉炁歸神。全其本真。變化爲丹。長生不壞。則形神俱妙。復還太虛。

自有白玉之符相召。而引昇於龍臺天籙。頌曰。三華輪轉結胞胎。帝一能招太一來。推倒五精登紫府。形神俱妙上龍臺。元契曰。誦之八遍。八景神生。八威神王。四方八面。強護修真。註舉仙名。斬絕地戶。永斷惡根。萬炁齊明。得飛神門。

序源章第四

帝君曰。此章言學道之源。

元始天王曰。紫精毓華林。

紫精。紫炁之精。生炁也。炁非陽不能生。陽之色赤也。然帝出乎震。陽炁發生之初。始於東方。東青色也。赤與青間而為紫。故生炁從東方來者。謂之紫炁也。毓生也。華林。東方。乾坤交媾之後。老陽不用。退居西北。而長子用事。故紫炁之精。毓於華林。猶人之神。發於肝木也。

長眠太無外。

長眠。冥心返照。龜藏蛇蟄之謂。指用功而言也。太極無無極。

玉房生寶雲。

玉房。乾宮。即易云乾為金為玉是也。寶。貴重之意。雲。地炁之上升者。地交於天。故生寶雲。

九扇胞胎內。

九。陽扇布也。施也。陽施陰化。而結胞胎。

帝賓奉玉符。

帝。上帝。賓。大賓。奉。持也。玉符。白玉之符。所執以為信者。對上帝。見大賓。而奉玉符。敬謹之至也。

三光回紫蓋。

三光精炁神三者。充實而有光輝也。回旋繞也。紫蓋三者團結而成。卽三華聚頂之意。

蒼玉斌來生。

蒼青色。玉乾也。乾爲天。天之色蒼也。斌文彩朗著貌。斌來生。則乾體漸復矣。

衛此長夜會。

衛守護也。此指蒼玉長夜會藏神內用。混沌養真也。

五靈度符籍。

五靈精神魂魄意也。度脫符合籍位也。五靈各安其位也。

九統合九光。

九金之成數。統合合混而爲一也。金來歸性。有其光也。

太元居玉清。

太元窈冥莫測之謂。居藏也。玉清卽乾元。虛無澄徹清之至也。

紫陽發萬生。

紫陽坎中之陽水火交媾之後。赤與黑間而成紫。乃萬物祖炁由此發生。卽三體重生萬物光也。

元精育九靈

元精。太元之精。真陰也。育生九靈。頭有九宮。身有九竅。皆藏精棲神之所。各具靈根。

元父結胎仙

元乾元生生之本。故曰父。真陰真陽交合而結胞胎。則長生之道得矣。

此章言紫氣之精毓於華林。而根於太極。人能回

光返照。游神太虛。使地交於天。則陽施陰化。胞胎可成。但入室之際。須恭敬奉持。儼如對帝。迎賓聚三華於鼎內。用心烹煉。乾體漸復。救護命寶。以虛養神。則耳目口鼻身之五識。各返其根。精神魂魄。意之五靈。自安其位。金來歸性。具有光明。復自有入無。窈冥之內。虛靈湛清。真陽可以發生萬物。真陰足以孕育九靈。陰陽合抱而成太極。復還元始。聖胎完固。成仙必矣。

頌曰。紫精原毓自華林。根本由從太極尋。但得長

眠無間斷。一元胎就現真金。
元契曰。誦之九遍。九統帝會。九光神集。混合百神。
與天齊年。八會遊集。朝應九天。萬烝齊清。得登真
門。

詳源章第五

帝君曰。此章乃吾自詳其學道之源也。故不
記吾師之寶號。

高上洞元。高上混沌之區。洞幽深也。元卽太一。是爲無始。

元王九天

九天始青。太青始丹。太丹始素。太素始元。太元中
央大梵是也。

烝祖太无

烝。九天之烝祖根也。本也。太无。卽太極无極。

衆風映元

衆多風。天地交感之烝。映照也。元。太元。風涵太元
之中。精故能動化萬物而行乎天上。
曾親絕散。

會親承上文祖字之意。道由一生二。二變為三。逐流漸遠。猶人始祖之下。有高曾也。絕離散分也。即降本流末而生萬物之意。

四清賭間。

四四方清淨閒安也。天地皆見其清寧也。

帝一上景。

帝一主宰惟一上景。乃理之最上者。無以加也。

連眾攝烟。

連合眾萬殊也。攝收歛之意。烟蒸之散見者。上則

一本而萬殊。此則萬殊而一本。俱指道之在天地者而言。

長契一運。

此下指道之在人而言。契合一運。一元之運用。

七世按閑。

七世亦承上祖字之意。即人之七識也。投入閑欄也。所以止物之出入者。

託靈屬命。

託寄靈性也。屬付命。即天命。人受天地陰陽五行

之。烝。得。以。生。而。成。形。皆。性。命。之。所。寄。也。

華灼自然

華灼。昭著也。性命發見。皆出於自然。不待勉強也。

流輝六曜

輝。有。其。光。也。六。曜。南。斗。離。位。也。

混邈沉遷

混。絕。邈。遠。沉。墮。遷。改。也。未。能。伏。虎。先。降。龍。也。

凌梵御暉

凌。駕。梵。西。域。精。也。御。制。暉。日。光。烝。也。煉。精。御。烝。也。

華意安

真。金。位。華。光。也。彰。著。安。和。也。真。金。發。現。其。光。昭。著。

安和也

併編帝簡

併。同。編。載。簡。書。也。帝。簡。即。洞。經。昔。帝。君。所。受。之。玉。

經。乃。元。始。天。王。所。著。故。曰。帝。簡。此。仙。經。乃。序。帝。君。

之。修。為。故。曰。併。編。

盡得解源

解。悟。源。本。也。使。人。盡。悟。其。本。源。而。不。迷。於。所。往。也。

文帝書鈔

洞經示讀 卷之上

十五

以上論其理

胎田遼路

此下舉其要。胎田。即祖竅。遼幽密也。

世發玉蘭

世亦緣上祖字而言。續也。發生玉貴蘭香之最清者。翕聚先天。則發玉蘭矣。蘭為王者之香。多生於幽谷。故比之也。

靈光八輝

靈光。即真性。八輝。八方輝映。無不明也。

神俱生

象妙歸根。而神化出矣。

此章言天地未判之先。空洞虛无。渾然一炁。莫可窺測。迨有無相射。動盪氤氳。而九天以生。天雖名九。統歸太无。凡炁之鼓動。無非太无之流露。降本流末。支分派別。充塞宇宙。然萬殊不外於一本。主宰仍歸於太一道之在天地者。然也。人能長契一運。則在我之七識。自無紛出之患。夫人自受生以來。稟炁成形。而性命已賦。其發見昭著。皆出於自

然惟先觀照本心。光透南離。泯其離合之迹。然後
煉精御炁。斯真金發見。本體安和。則一元之理可
得。此帝君憫念世人。故併載其理於洞經。欲人盡
得解源。而不知所從入也。然其要則在於胎田。學者
能守此竅。久而不離。翕聚先天。清香發越。真性圓
明。光無不照。天心見而神明至矣。
頌曰。炁祖真元結九天。玉蘭世發在胎田。人天本
自無差別。一點靈光混太元。
是曰大洞仙經。太元第一。聖人誦之。飛昇九天。

凡夫誦之。免一切罪。誠心向道。自獲洞清。初誦仙
經。群魔俯首。萬炁齊正。

入門章第六

帝君曰。此章言吾入門時。吾師所授大洞玉
經。有高上宴紫清之句。因名之曰入門。至後
吾得成道。實由此耳。

元始天王曰。高上宴紫清。
高上太虛之表。宴息杳冥之謂紫。黑赤色。陰孕乎
陽也。清純一不雜也。

五老輔玉根

五老。金木水火土之精也。輔佐玉根。即乾元。

太素拂渺景

素白也。本質未染。謂之太素。心性純潔也。拂。逆返也。渺。景幽遠之區。冲。漠无朕之中。即老子云。見素抱樸。少私寡欲是也。

合符帝一尊

合符。渾融也。帝一。居天庭。元神所棲。人之最貴者。心息相依。抱一而不離也。

白帝皓育獎

白帝。西方之神。即人之真性也。皓。潔白。精瑩貌。育。生。獎。稱許也。即月現庚方之謂。

回金太霞卿

回金。復其本元。金來歸性也。太霞。紫陽之炁。卿。貴也。即悟真云。化成一塊紫金霜也。

度我死戶閉

度。超脫也。死戶。在下丹田。至陰之地。度之者。剝盡羣陰。害裏生恩也。

拔出三途昇

三途。苦海也。拔出者脫離苦海分胎出。自在崑崙

頂上行。

十通由斯生。

十通。聞一知十之謂。定則生慧也。

妙行由此興。

妙行。隱顯自在之謂。

洞明光景中。

空洞虛明光華燭於周身。所謂一片光明者是也。

帝一真元經

此帝一真道理之最元妙者。故筆之於經以示人

也。此章言虛无混沌之中。宴息杳冥。陰孕乎陽。純一
不雜。初無朕兆之可窺。迨一炁動盪。氤氳開闔。五
行自生。分鎮各方。輔佐玉清。以成生化之功。惟人
稟炁受形。斯理已具。圓明洞徹。初無少欠。但有生
以後。七情緣染於外。思慮紛擾於內。則有時而昏
若致虛以保其太素。純潔之體。守靜以凝其主宰。

惟一之神。丹既居鼎。覺一點靈光。自心常照。而無
晝夜。久則神與性合。精與情寂。復還乾體。紫陽乃
生。爍盡群陰。超脫苦海。智慧明通。隱顯自在。自是
空洞虛靈。真性大全矣。此修行帝一真道理之最
上一乘。故垂經以詔後人也。
頌曰。玉根清淨本無名。帝一融涵太素精。拔出三
途並曰戶。回金自作太霞卿。
元契曰。文昌大洞仙經。修行帝一真道。妙行大全。
始證萬通聖功。初積元理。幽微常調。百返可然。通

炁于遍不輟。通神通靈。

求道章第七

帝君曰。此章言吾知道之幽深。元渺而惟誠
一其心。堅確其志。以求之耳。

元始天王曰。玉虛順元歸。

玉虛。卽太虛。萬緣俱絕。內念不生。謂之太虛。順不
逆也。元。乾也。乾爲天。天之色。元也。易云。天元而地
黃。歸宿也。游心真漠。觀照本竅也。

天宸金霄遊。

晨。早也。天晨。平旦之氣。靈光發現。謂之金霄。近天
蒸。初念由太虛而出。猶近天之蒸。清明而不雜也。
遊行也。此天癸初生之時。

朗朗生帝境。

朗朗。明也。帝境。心境。心為萬化主宰。故曰帝。

頃爾駕玉洲。

頃爾。倏忽之意。駕。過也。玉洲。十洲之一。神仙所居
在人內腎。曲江是也。中有真陽。故曰玉洲。水所
聚處。下交於腎也。

左撫命神童。

左。陽也。撫。摩命。命也。神童。即嬰兒。變化不測之謂
神。

右彌命書符。

右。陰也。彌。輔佐也。書符。言其合。心腎相交。陰與陽
合也。

明真煥九霄。

明。貫通意。真。本來也。煥。光明貌。九霄。九天也。在人
頭有九宮。猶天有九霄。

文符書少

洞經示讀 卷之上

三日映元敷。

三日。月生明時映。照元乾敷布也。三日出庚。月照西乾。卽山頭月白藥苗新也。

千景併生矜。

千景。卽衆妙併同也。矜矜持慎也。衆妙歸根。送歸土釜。不敢肆也。

內有幽寥无。

幽深寥虛。无太无也。息念俱銷。煉神還虛。

令我得長年。

十月胎完。與天同壽。

于劫始一周。

一世爲一劫。周甲子周也。人以六十年爲一周。此以千劫爲一周。言其久也。

黃籙保劫。

籙。圖書。黃籙。上帝所賜者。保全也。仙以五百年爲一劫。八尺曰仞。高也。上帝賜以黃籙。歷劫不壞。其道愈高也。

披錦入神邱。

披被錦紫霞之衣。神邱。太清仙境也。

太一務命根。

妄緣俱絕。一念堅凝。謂之太一。務專力也。命根。天命之根。即祖竅也。守而不離。

公子召合符。

公則無私。子子烝。召引也。心無私欲。則以我身。子烝。召引天地之母烝。子母相戀而和合也。

十回度初心。

十回。功完也。度。脫。初心。始志也。功完行滿。初志。

得入大信根。

釋。

大信。志念誠篤之謂根。堅確不搖。如樹木之有根也。歷久不變。始終如一。則入大信根矣。

此章言人之求道。惟先煉已純熟。萬緣俱淨。游神太虛。觀照本竅。待彼一陽初動。始念清明。遊行空際。心地朗徹。先天之鉛將至。則在我一身之精。烝不動。只於內腎之下。倏忽之間。運一點真汞。以迎之。真鉛既過。鵲橋之東。左提右挈。鉛與汞混合為。

一。陰陽交媾。靜悟本來。然後升輓轡二車。由夾脊。雙關上通泥丸。遍徹九宮。注雙目。降金庭。下重樓。入絳宮。冶煉三日。出庚金。精發見。衆妙俱生。然後送歸土釜。封固溫養。矜慎保持。以如來空空之心。合真人深深之息。久則息住胎凝。神返虛无。命寶常固。畱形住世。人以六十年爲一周者。此則千劫而始一周。愈煉愈堅。歷劫不壞。其道彌高。上朝玉清。與天爲一矣。然入門之要。必先外絕諸緣。內祛諸妄。一念堅凝。專力命根。認定此竅。須臾不離。以

則心公無私。與天地通。奪先天之冲和。逆上雙關。前返乎後。以達本根。使母炁伏子炁。子母眷戀。息歸根。混合無間。蟄藏炁穴。功無少息。十月胎完。初志乃釋。此則意念誠篤。歷久彌堅。而得入於大信根也。

頌曰。神邱高峻邁崑崙。求陟還須務命根。令我長年由太一。十回初度入元門。
元契曰。誦之二遍。得入信根。善因不絕。仙籍書名。萬炁齊和。得定願門。

守道章第八

帝君曰。此章言吾既得道。而守之不敢失。

元始天王曰。玉帝元上旛。

玉。玉清帝主宰。卽无極也。元。杳杳冥冥之謂。上。至極也。旛。旗活動之意。无極之真。孕於太清。一炁蟠結。杳冥至極。氤氳活動也。

製命九天元。

製。裁製分也。命。令也。九天。解見前。元。太元。冥漠也。道由一生二。二變爲三。三分爲九。其裁製命。命。俱

默運於於穆之表。

七覺乘妙道。

七覺。七竅皆具靈動之炁。故曰覺。乘。載也。乘妙道。含靈育性。炁載乎理也。

歡熙神風還。

歡熙。暢遂和悅也。神風鼓舞意。還。旋也。培養根源。觀照本竅。則精神朗發。和暢鼓舞。如神風之還也。

飈。燦北停華。

飈。緣上文風字而言。疾風從下而上也。燦。明北停。

北之中。華光也。珠明水底。真陽生於北海之中。

紫英列東班。

紫英。紫陽之精。陰中之陽也。列。布也。東班。震位。陽生於復而見乎震。

琳和九霄外。

琳。美玉。和小笙。以玉為飾。九霄。青碧丹景玉太紫琅神霄是也。九霄皆五行之炁。所結而成。外則感召天地陰陽五行之正炁。如玉笙之音。響徹雲衢。聲應烝求也。

玉符徵太元。

玉符解見前。徵。召。太元。即太極乾元也。元。言其理幽深而難測。內則擒制一身鉛汞之精華。使其渾合而朝元也。

三素生泥丸。

三素。精炁神三者。復還本質。不落緣飾之謂。生。聚也。泥丸。天庭宮藏神之所。三華合一。聚於頂也。

發見耀金靈間。

發。見。耀。光。金靈。即性間中也。金蟾吐焰是也。

元君誦萬遍。

元君乾元為萬物主宰。故稱君。誦念茲在茲之意。萬遍不一而足。無忘無助是也。

一心守衛專。

一心凝神不紛也。守存其本有。衛防其牽引。專誠篤也。深根固蒂之道。

十善生元中。

十善衆善元中。混沌冥漠之鄉。虛无湛寂。則萬理有歸懷之樂。

度厄而自然。

超脫厄難。頓歸清淨。自有為而入无為也。

此章言乾元之理。混於玉清。一炁蟠結。冥滓杳渺。高超无上。而氤氳活動。含靈至妙。自是虛无開闢。分為九天。裁製運用。俱歸渾穆。人得之以成形。而生七竅。炁載乎理。妙道以著。故人能培養根源。觀照祖竅。久則油然心生。浩然炁暢。自有一段清寧。闔闔之機。飛躍活動之趣。一點真陽。從下而上。在北海中生。出結為紫英。布現震宮。外則感召天地。

靈陽之正炁。內則擒制一身鉛汞之精華。少焉呼
吸相通。母子符合。達於命府。三素生於泥丸。一靈
見於規中。而大丹凝矣。又以真人藏於深室。无助
无忘。優游涵泳。冥心守護。虛極靜篤。迨十月胎完。
返有爲无。冲漠之中。萬善俱生。又何厄難之不起。
脫而自在。无爲也哉。
頌曰。妙道虛无炁。象干一心守衛更須專。金靈發
耀歸真我。十善元生入自然。
元契口誦之三遍。得自在智度一切厄。入元上關。
萬炁齊濟入希聖門。

大洞經無別也

大興朱珪石君敬校

五臺李永恒壽山重刻

大洞經示讀註釋中

序經章第九

道言爾時元始天王眉放青毫頂旋紫炁萬華寶蓋
浮羅覆形玉光金耀紆絢光輝由是吾見吾師如此
乃愈加精銳是以功行大成矣

保元章第十

文帝書抄

洞經示讀 卷之中

大洞經示讀 卷之中 三十八

帝君曰。此章言吾自求道。以至能守。皆由保
合元炁。而無一毫之私累也。

元始天王曰。太真統九炁。

真誠也。太真。誠之至極。而無以復加也。統貫九炁。
五方四隅之炁。皆一真之流貫也。

洞景寄神通。

洞景。空洞之中。虛也。寄存神通。神化而通明。靈也。
寂然不動之中。自具感而遂通之妙。如寶藏論云。
奇物無根。妙用常存是也。

玉帝乘朱霄。

玉帝。即天命之性。乾也。乘載也。朱。正紅色。朱霄。南
天離位。即人心也。先天卦位。乾居乎南。猶性具於
心也。

綠霞煥金墉。

綠。青黃間色。青。木也。黃。土也。木藏神。土載意。心不
擾。則神清。自有一點真意。從黃庭中出。木土交融。
而結綠霞。墉。城也。金墉。即人心虛靈之一竅。
上館雲珠內。

館舍雲珠館名九天之上。神仙所居。在人則泥丸流珠宮是也。天命真元著於祖竅。晝居二目而藏於泥丸。館之者存想而不離也。

仰接无極中。

仰接。上通也。无極。即先天。弄丸集所謂真人現在寶珠中也。

靈關太漠下。

靈關。神明之舍心也。太漠。混沌之鄉。腎也。

雷轟竟冲空。

雷轟。雲集貌。天命真元。夜潛兩腎。而蓄於丹鼎。心交腎。自有一段氤氲之炁。上冲於空。

冥化混離坎。

冥。默也。心腎相交。其機至微。恍惚杳冥。莫可意象也。化。相合而化。混。一也。離坎。即水火。人身之精氣。

一元寂火空。

一元。自有入无。一歸冥漠。寂靜也。念動為火。寂火。念之潛藏而不覺者。靜中浮動之意是也。空。无也。息念渾忘。寂无所寂。

寂滅高洞上。

寂滅真靜。一念不生之謂。高超洞空虛也。高僧妙虛云。但得此中無罣礙。天然本體自虛空。

玉宸保大洞。

玉宸帝居室之奧者為宸。心安於命。猶帝之居所不動也。保全大洞。即空虛本體。常將真我安止其中。如如不動。以全此未發之中也。

西拔六祖根。

西清淨之方。拔除六祖根。即識神六根所緣以生

者。即景岑云。學道之人不悟真。只為從前認識

南解累劫凶。

南解脫之所。解釋累劫凶。累世所集惡業。即私之固結而難去者是也。

體矯萬精波。

矯強貌。波如水之湧而不竭。言其足也。

神王攝十方。

神王陽神充旺也。攝總持攝十方。無處不到也。

大歸返胎元。

大歸全歸之意。返還胎元。受胎之元。天命之真也。太元真人云。父母生前一點靈。

三合乘天龍。

三合精合炁。炁合神。神合道也。乘駕也。龍純陽之物。天龍即神龍。變化莫測者。養成純陽之體。自具神明之德。悟真云。駕個金龍訪紫微也。此章言太真之道。統貫九天。至无至有。至虛至實。空洞虛靈。幽顯莫測。自人稟炁受胎。得以成形。一元之理。始竅於人心。書居雙目而藏於泥丸。夜潛

兩腎而蓄於丹鼎。惟心靜無擾。其神自清。一點真意。流注中宮。靈光煥發。上通天谷。仰接无極。下達命門。靈關太漠之下。自有一段氤氳真意。雲霧雲集。上冲於空。恍惚杳冥。心腎融化。水火混一。更復凝神虛无。寂火俱空。常明而常覺。不起明覺心。常寂而常照。不起寂照想。引而收之於空洞鄉。運而藏之於闔闢處。時將真我安止其中。如北辰居所。而衆星皆共。以保此空虛之本體。先斷意識。而諸識不生。次解積孽。而衆孽不作。精足神旺。性命合

一。則胎元之真。全歸於我矣。自是形化於道。卷舒自如。如神龍之變化而莫測焉。此保元之極功也。頌曰。朱晶彩映煥金墉。爲結牟珠大洞中。冥化坎離空寂火。胎元返始寄神通。元契曰。誦之四遍。根塵漸墮。業網自解。劫運不隨。萬烝齊臨。得自在門。

明元章第十一

帝君曰。此章言元機之奧。不可不有以明之也。

元始天王曰。紫精太无中。

理宰乎烝。紫烝之精。生於太无。

三元上景衢。

三元。上中下也。上景至明之謂。衢。路也。四通無礙。謂之衢。

秀朗大寶輝。

秀。榮美。朗。明著。寶。珍也。大寶。卽史龜莢傳。聖人得之以爲大寶之意。人得紫精之理。以爲大寶地。輝光也。

昭昭扇帝敷。

昭昭明也。扇吹揚活潑意。帝即天敷施也。靈光昭著而活潑皆天之所命也。

伯史啟三素。

伯史即太史官名。記事者也。掌書契以贊治啟。分也。三素三華之精。三素分育於丹田。猶六書分掌於大史也。

帝臨登玉虛。

帝上帝臨降也。詩曰上帝臨汝。無貳爾心。言其敬

也。登升玉虛太虛。澄清之後。神化為虛。即先存後忘也。

慶炁育五雲。

慶炁陰陽和合之炁。育生五雲。五炁朝元。結面為雲。

司命神明初。

司主命。天命即无極也。未有命而能命我之命者。命之始也。神明虛靈也。初本始。還我本來真面目。未生身處一輪明。

十華妙行仙。

十華功完而全體皆明。妙行。行滿而思勉俱化。

制魔生六明。

制伏魔。卽六賊。六明。六根清淨。具有光明。此原其始。初用功而言。示人以下手之要也。

此章言紫精之炁。根本太无。結爲三元。明通無礙。人得之以爲大寶。其光秀麗。明朗。故真性之中。照明活潑。俱非後起之數。皆上帝所命。而我得之以爲命者。自是形生神發。而三素之精。乃分育於是。

田。特人內具六根。外引六賊。不能存心。以養性。斯難。盡人以合天。惟先存之以虛其心。若上帝之位。汝不貳其念。次忘之以廓其量。求真人之深息。意相皆空。泯然入定。定久內外兩忘。動靜俱無。璇璣停輪。日月合璧。水火金木土五者。和合朝元。自有慶祥之炁。結而爲雲。返乎天命之初。全其虛靈之體。功完行滿。住世長年。不有以爲十華妙行仙乎。但其始必先斬除六賊。頓歸清淨。返識爲智。以生六明。而入道乃有其基也。

頌曰。大寶輝明月出庚。紫精原自太无生。十華妙
行真堪羨。惟在制魔生六明。
元契曰。誦之五遍。永絕死炁。浸茂生根。萬炁齊生。
得長生門。

通微首章第十二

帝君曰。此三章言大道微而難見。必由求由
守而保其元。庶乎可以通矣。

元始天王曰。太元天地通。

太極上之稱。元理之幽深者。太无之道。生天生地。

人能明之。則天地可通也。

浮雲不能入。

浮雲。至薄之雲。卽私欲也。人惟中有一毫私欲。遂
被障礙。與理扞格而不能入也。

神宗理靈襟。

神。神明。宗。主理。卽太元。以其幽深而難測。謂之元。
以其有脈絡之可循。謂之理。煉去已私。神明之內。
惟以理爲主也。靈襟。胸襟靈豁也。

龍山秀玉峰。

龍山。山名。在西域。秀峻拔高也。玉峰。峰之朗潔如玉者。明也。皆取象形容之意。

金房鬱明霞

金。乾也。房。室之密者。即祖竅鬱叢生也。明霞。靈光言靈光發現於祖竅也。

九天為高宮

上丹田有九宮。即九天。處於最高之地。天竅圓而藏性。

黃庭涉北元。

黃土色。庭中也。凡人之庭。皆在於中。涉。渡也。北。水方。故曰涉。地竅方而藏命。陰中之陽。人之元神也。元父在回明。

元為生身之本。故曰父。回。還。回明。返照也。朱晶啟明師。

朱晶。火之精。朱言其色。晶言其明也。啟。發也。心腎交而智慧出。心明而能自得師也。幽寥。登上清。

幽寥。空虛也。上清。太清。心澄意靜之後。復返於純。

合乎元始之初。謂之太清。

參透元中妙。

參悟透徹也。元中妙。元理之深奧者。所謂悟徹。菩提真妙理是也。

長保大洞經。

保守也。大洞經。皆發明乎元理之奧者。長保之。則優游厭飫。久之豁然貫通。自能參乎其微也。

此章言太元之道。生育天地。人能明之。則兩大既通。但中有私欲。遂為銅鐵。於理扞格。而不能入。

克去已私。神明之內。以理為主。胸襟靈豁。如龍山之聳秀。玉峯之朗照。則真性之藏於祖竅者。自有靈光發見。上徹九宮。降黃庭。入土釜。達曲江。與腎中元神會合。性命合一。回光返照。心腎交融。智慧日生。如朱晶之瑩徹。不須指導。能自得師。體相空虛。靜悟元本。而登於上清矣。然此皆元中之妙。知之不易。若欲參悟此理。惟將大洞經文。朝夕保守。優游涵泳。久則豁然通徹。自能漸徹其妙矣。頌曰。浮雲何自入空明。惟有幽窅登上清。參透元

中真妙諦。光澄水底。耀朱晶。

元契曰。誦之六遍。六天大魔。永斷鬼鋒。六根清淨。廣明發生。萬炁齊光。即得度世。進登仙門。

通微二章第十三

元始天王曰。辰中五景炁。

日月交會謂之辰。每月三十日。卦屬坤。至陰也。蓋一陽不生於復。而生於坤。坤雖至陰。然陰中含陽。火藥之生。實根於此。真息一升一降。而水火金木。上五者。自為進退。攢簇和合。而有榮美之炁。

三秀登霄庭。

三秀。精炁神三者。妙合而凝也。登。升霄庭。天庭。聚於頂也。

滄臺飛羽輪。

滄。滄洲。神仙所居。有瓊臺玉宇。故曰滄臺。飛。騰。羽。輪。羽化之車。神仙所駕者。猶羽衣之謂。

迎延道已成。

迎。接。延。請也。同登仙境。則道已成矣。司命奉帝書。

司命主張造化。奉帝書。天詔下頒也。

號曰元度卿。

號稱元度。得元理而飛度者。卿公卿受職為仙官也。

保生太霞宮。

保生。保護長生。太霞宮。玉清內境。

列賓館玉清。

待為列賓。館於玉清之上。

命門合津延。

命門。兩腎中間一穴。元精所生。故曰命門。內有真

水真火。兩腎和合。則精液延長而不竭。

守我身常寧。

精足則體壯。乃能守身而常寧。

左攜元數君。

攜。持也。坎中之陽。為萬物生生之始。而主宰乎衆有者。故謂之元數君。左攜。上升也。

右攜朱鬱靈。

朱。火之色。鬱。葱鬱鬱鬱。勃不可遏也。靈言其性。卽

離中之陰。在人則心是也。右攜下交也。

太元度迷覺

精神合一。則性命歸根。而得太元之道。超度群迷。使之覺悟。不獨成已。而兼以成物也。

遍施大洞文

大洞文發明太元之道。遍施之。則人人皆悟其理。

紫華領胎仙

紫華。紫炁之精。結而為華。領受也。受之為胎。則長生有基矣。

元命真中神

元命。命之始也。真。本來。神。元神返乎无極。全其本真也。自命門合津。延以下。又推其用。功得力之由。使人知所從入也。

此章言陰陽和合。則五炁朝元。三華聚頂。滄臺迎迓。其道已成。司命受符。名居仙位。保生於太霞之宮。列實於玉清之上。功成道備。修煉已極。然其始未易致也。天命真元。藏於兩腎。惟於命門。保合收斂。使津不竭。守我之身。常令安寧。身不動。則精化

文帝書錄
爲炁。左則攜乎坎中之陽。上交於心。右則攜乎離中之陰。下交於腎。取坎填離。合成乾體。而太元之道已得。然功非行則不能完。故成已之終。卽爲成物之始。如大洞經文。皆以發明妙道。我欲超度群迷。使之覺悟。惟遍施之。則成真證道。俱有所藉。物成而成已之量愈盡。功圓行滿。紫炁之精。受而爲胎。根固不搖。胎孕仙基。返乎无極之真。迥乎天命之始。本來元神。歷劫常存。而大丹成矣。此列賓館玉清之所由致也。

頌曰。命門謹守自生春。心腎相交見太真。胎受紫華成妙行。滄臺冉冉駕飛輪。

元契曰。太華妙行。五華顛門。元通玉清。千行始登。遍施洞經。會合成真。聞合見合。德合天尊。

通微三章第十四

元始天主曰。金闕上景炁。

金闕上帝所居。猶神室爲真性所藏也。靜虛之極。神室自開。一炁氤氳。葱鬱榮美。得未曾有。故曰上景炁。

十方暉紫烟。

十方即人身之衆竅也。暉光紫烟和合之炁。先天起而諸炁潮蒸就神光飛騰紫烟。

三合太一尊。

道始於一而變於三。融三歸一。合於元始。

帝招太元神。

帝即心招致也。太元无始也。有物渾成。先天地運。即其神也。由元始而返於无始也。

七轉召嶽直。

七。少陽轉復生也。嬰兒法乳。陰極陽生地炁上升。自交於天。如天中五嶽。立極陰陽五嶽真炁和而上升與太和交合也。

玉符告三官。

三官三元真炁貫注。三元自合。

拔籍三途下。

六欲不生。三毒消滅。

受生高上辰。

辰。北辰天之樞。出地三十六度。處於最高。常見不

隱。故曰高上。元炁之生。胚胎於此。欲淨理復。天心見矣。

太帝八靈王。

太帝。太極也。萬化主宰。故曰太帝。八靈。明白四達之謂。統衆靈而歸於湛寂。是爲王也。

一化回慶雲。

一化。木來混一。頓忘執著。隨機化育。太和流貫。而慶雲生焉。

桃君守六合。

桃性能辟惡。邪魔畏之。守。慧照無間也。六合。天地之中。陰陽交會之所。空虛之地也。謹精衛泥丸。

精爲生身之本。故須謹。泥丸爲精液之源。故須衛。太清八景觀。

緣絕慮空。返乎本始。謂之太清。八識不擾。炁自和暢。故曰八景觀。美也。

十德真文宣。

土數五。二五相合而成圭。謂之十德。丹疑。則紫炁。

文帝書抄

洞經示讀 卷之中

十七

自現真文宣著。有必然者。

保守神中神。

息住胎圓。謂之保守。神中神。乃性中命也。卽煉神須煉不神神。

元命生自然。

天命在我。一元皆備。養至而幾於安。有從容自得之妙。

此章言虛靈之內。真性所居。一炁凝結。榮美無加。光之所燭。諸炁來朝。但心著世慾。墮於三途。此理

便與我相格矣。惟正心澄意。毫無染著。外無其形。內無其心。欲斷意絕。合三爲一。窈窈冥冥。入於慧光之中。以招致乎无極之真。迨陰盡陽生。七日來復。地炁上交於天。三元混合。六欲不生。苦海脫而道岸登。先天已得。雪淨冰融。四通無礙。更復忘神入虛。不生執著。隨機運化。一團太和之炁。回還充塞。此理爲我有矣。然理不易得。猶恐復失。當須辟祛邪魔。觀照規中。謹守精液。衛護泥丸。則萬緣俱寂。八識不生。氣和而道立。道立而基固。二五相合。

丹道乃成。自有文彩宣著。性中得命。命合性空。神返真元。常含湛寂之體。聽死為之神化。而自然生矣。此理至一貫之候。由勉幾安之時也。

頌曰。十月胎靈召嶽真。受生高上混元神。慶雲回化桃君守。明鏡依然還太清。

元契曰。帝德一貫。進德坦平。三千行滿。經文下敷。願滿成真。保守洞經。中理五炁。會合衆神。

度厄章第十五

帝君曰。此章名度厄。言吾既得道。而凡一切

衆生之厄難。當必有以度脫之也。

元始天王曰。太素三華炁。

不落緣染。虛極靜篤。則精自化炁。炁自化神。而三華見矣。

晨登廣寧堂。

晨早也。子為晨。午為暮。即真意發見。天癸初生之時。此時水源至清。廣大無不包。寧安而不擾。堂高明之域。真性昭著。固有如是之景象也。

玉京表元籍。

玉京上帝所居。衆仙朝拱之地。猶人心爲衆理會
萃之區也。表記也。元籍卽仙籍。所以識者。猶理默
識於心而無或遺也。

守命核道康。

守命涵育本元。存養也。核道喚醒主人。省察也。康
泰自得而安居也。此卽進陽火之功。

回風散萬魔。

回風返照也。散去萬魔。根塵緣擾不一而足。皆散
去之。克治也。

金符開廣鄉。

金乾也。廣鄉卽廣居之謂。符合乾體。等虛空界。開
天門也。

撫御地下戶。

撫按御治地下戶。乃至陰往來之所。撫御之。則羣
陰消鑠矣。

保守長生王。

保守須臾不離也。陰中真陽。乃人元神。歷劫不壞
者。是卽長生王也。此退陰符之功。

次帝書

洞經示讀 卷之中

字

轉入上仙門。

胞胎融結成仙可冀。

八景齊洞陽。

功至八返陰盡陽純。丹道已成。神光赫赫。照耀金庭。故曰八景齊並也。洞陽空洞之中。一點真陽。乃先天之精。未達一間。故曰齊也。

此章言人能致虛守寂。心無染著。則諸紛莫能擾我之神。散我之炁。耗我之精。如此性靈方現。靜內生光。一心之中。浩浩蕩蕩。登於廣大高明之域。衆

理會萃。默識不忘。又加以存養省察之功。使之自得而安居焉。但人塵根未斷。則衆私潛集。理之爲我有者。猶恐其或失之。故必回詳審視。克去已私。以散萬魔。復還太虛。符合乾體。是理也。乃生生之本人能守之。自足長生。第恐陰濁偶乘。則真陽汨沒。長生不可保矣。惟撫御地下戶。銷鑠羣陰。不使偶一竊發。以保此長生之本體。夫長生卽仙也。由此處徐徐漸進。則陰盡陽純。飛昇可必。輝光發越。直造先天。可與洞陽相齊矣。此功至八返之時。

也。

頌曰。何人不具長生王。守命還須核道康。御戶散
魔生八景羨君已入廣寧堂。

元契曰。誦大洞仙經。貴乎有恆。誦之萬遍。子形中
元帝一真合體。自洞清。召致十方。御元回靈。萬烝
成真。合德會明。元元無邊。變化自然。至此修行。名
曰元關。又曰元會。六度十回。功滿道備。位登金闕。
以發其華。以成其德。十信十善。漸進於仙。妙行大
全。號曰玉宸道君。

明洞章第十六

帝君曰。此章名明洞。言吾之所以得道者。緣
於太无之理。帝一之道。無不明晰而洞徹也。
元始天王曰。皇上超无景。

北辰為孕元之所。帝實居之。至尊無對。故曰皇上。
超无景。高超无上之景。在人則忘物忘形。空洞之
中。恍惚立極。若無主宰。而主宰存焉。烝之先得者
也。

輪轉九曜停。

一炁周流五靈各安其位變為純陽也。

液逸元中膜。

液津逸安也。元中膜昔為血氣之軀。今元理充足。

非昔比也。

血凝五華平。

血凝血化為膏也。五華五炁之精。平則彼此如一。

不相侵尅。

體寶圓珠映。

體天寶地靈之炁結為黍珠。圓明無欠。復還其初。

流耀瑩光形。

流耀活潑而朗徹也。瑩精潔貌。光形光輝昭著。見於外也。

號為壽逸阜。

壽久逸安。阜山也。山靜而壽。以比丹成之後。逍遙自在。與天地並峙也。

亦曰澄源亭。

澄源澄徹其本源。內通也。亭傑出貌。外直也。

俱滅三惡機。

機惡之從生者。已兆未形之際也。塵根永絕。惡豈能生。

啓籍登大明。

啓。開籍書也。垂之典冊。原始要終。朗然明白。如黃帝之著陰符。老子之講道德也。

令我保仙真。

保師保。如帝君為人天之師也。

仙綬披綠青。

綬。佩印之組也。佩印綬而披綠青之衣。受仙職也。

禍冥途中。

水。火。刀。兵。不。害。

祈福超上靈。

化災為福。功完行滿。超列上真。

度世登玉卿。

度世。超脫塵世。玉卿。玉清輔相。印寶符降後去朝天。

累祖返胎嬰。

累祖。歷劫種親也。俱得超昇。還元而返胎嬰。

文帝書抄

洞經示讀 卷之中

洞觀无礙空。

洞觀一切無有窒礙。如鑑之空。

元始通其明。

元始。天命之初通。貫也。以一貫萬。無不明也。

驪珠現真形。

驪珠。驪龍之珠。即人生前一點靈也。此為真我。歷劫長存。至此。則道即體而真形現矣。

內外洞照清。

道眼所通。內外皆徹。無不洞照而清。不思而得。

之至也。

此章言人深息聚炁。渾忘物我。窮真之內。若無主宰而主宰存焉。時至炁生。自為交泰。左旋右轉。暗合天度。微意一點。落於中宮。天水相映。復自有入無。返觀內照。若存若忘之間。活活潑潑。一團太和之氣。靈性蘊於其中。如兒存腹。妙合而凝。真陰真陽。循環於虛无之中。而八運常寧。八萬四千三百六十五官六腑。無不光明透徹。造化順行。五炁分布。循序而進。成功而退。打成一片。純陽精貫百骸。

血凝五臟。體天地靈寶之炁。結爲圓珠。光瑩外著。
一得永得。逍遙長存。內通外直。斬斷惡根。登於大
明。爲人天之師。披綬綠青。災害不生。祈福超靈。上
朝玉清。歷代遠祖。俱獲返元。而超昇焉。斯時洞觀
一切。无礙无障。如鑑之空。會乎天命之始。以一貫
萬。觸處皆明。驪珠已得。真形自現。道眼所通。內外
洞清。非復人世之見聞矣。
頰口。真形在我不難尋。返照回風混帝心。體寶圓
珠光四射。將來收入掌中擒。

